

四庫全書

子部

欽定四庫全書

子部

玉海卷一百七十二

六

詳校官中書臣張經田

主事臣祁韻士覆勘

總校官進士臣朱鈴

校對官編修臣盧遂

騰錄監生臣潘沛然

欽定四庫全書

玉海卷一百七十二

宋 王應麟 撰

宮室

橋梁

天官書東井兩河天闕間為闕梁

堯橋梁

漢文紀二年五月詔詐謗之木注服虔曰堯作之橋梁

交午柱頭

周造舟

詩大明親迎于渭造舟為梁

爾雅天子造舟

鄭氏曰天子造舟

周制也殷時未有等制孔子曰文王始作而用之

方言浮梁

也初學記今蒲津浮橋是其處

秦鍼造舟于河

漢章帝建初七

年十月東至高陵造舟於涇而還

周鉅橋

管子武王有鉅橋之粟貴糴之數立重泉之戍今曰自

今有百穀之粟者不行注鉅橋倉在今廣平郡曲

周縣

許慎云鉅鹿之大橋

書發鉅橋之粟也爾雅梁

莫大於涇梁注橋也張良傳下邳圯上注圯

橋也

漢橫橋

黃圖橫橋

橫音光

三輔舊事云秦造漢承秦制廣六丈三

百八十步置都水令以掌之號為石柱橋

黃圖又云長安城下有池

周廣三丈深二丈石橋各六丈與街等

文選注潘岳關中記曰秦作渭

水橫橋雍州圖曰在長安北二里橫門外

漢霸橋

黃圖霸橋在長安東跨水作橋漢人送客此橋折柳贈

別

初學記云以石為梁

水經注霸水古曰滋水秦穆公更名以

顯霸功水上有橋謂之霸橋王莽傳更名霸橋為長

存橋

漢渭橋 便門橋

文紀代王乃進至渭橋羣臣拜謁稱臣

宋昌至渭橋丞相已下皆迎

注蘇林曰在長安北三里 宣紀甘露三年春正月呼

韓邪單于來朝上自甘泉宿池陽宮上登長平阪

注水之南

原詔單于毋謁其左右當戶之羣皆列觀蠻夷君長王

侯迎者數萬人夾道陳上登渭橋咸稱萬歲

匈奴傳上登長平詔

單于毋謁其左右當戶之羣臣皆得列觀及諸蠻夷君長王侯數萬咸迎於渭橋下夾道陳上登渭橋咸稱萬

歲

張釋之傳上行出中渭橋乘輿馬驚

文帝時

史記

景帝五年三月作陽陵渭橋 黃圖渭橋秦始皇造跨

渭水為橋

初學記云以木為梁又云秦造渭橋及橫橋

後紀建武十九年

修理東都城門橋涇渭 武紀建元三年春初作便

門橋注長安北面西頭門即平作橋跨度渭水以

趨茂陵今所謂便橋也以徑便為義 薛廣德傳元帝

耐祭宗廟出便門注長安城南面西第一門 欲御樓船廣德曰

宜從橋 元和志便門在長安西門與橋對詳見唐中

渭橋 唐書太宗與頡利盟于渭水便橋上

水經注渭水上有梁謂之渭橋秦制也亦曰便門橋秦

皇作離宮於渭水南北三輔黃圖曰渭水貫都以象天

漢橫橋南度以法牽牛橋廣六丈南北二百八十步六十八間七百五十柱一百二十二梁橋之南北有隄激立石柱柱南京北立之柱北馮翊立之有令丞各領徒一千五百人橋之北首壘石水中魏武帝更修之 史

記索隱今渭橋有三所一所在城西北咸陽路曰西渭橋一所在東北高陵路曰東渭橋其中渭橋在故城之

北

原闕

秦漢唐架渭者三橋中渭橋在長樂宮北秦

造便橋長安西武帝造東渭橋在萬年縣東不知始於

何世渭之源出自烏鼠同穴東受秦水至武功受斜水
又東受豐水東北則漢便門橋橫亘其上又東為郾水
又東遷磁石門阿房西門也

漢飲馬橋

黃圖飲馬橋在宣平城門外 文選注長安圖曰漢時
七里渠有飲馬橋

漢成都浮橋

吳漢傳建武十二年春漢進軍攻廣都拔之遣輕騎燒

成都市橋

即七星之一橋也 華陽國志李冰造七橋上應七星光武謂吳漢曰安軍宜在七星橋

間漢進逼成都去城十餘里阻江北為營作浮橋 岑

彭傳公孫述橫江水起浮橋彭令軍中募攻浮橋先登者上賞飛炬焚之 東觀記田戎下江關至南

郡據浮橋於江水吳漢鋸絕橫橋大破之 水經

注建武十一年公孫述遣任滿等據嶮為浮橋橫江以絕水路光武遣吳漢岑彭將六萬人擊荆門漢等率舟師攻之直衝浮橋因風縱火遂斬滿等

魏夏侯尚圍南郡作浮橋渡百里洲上吳潘璋伐葦作
筏欲順流燒橋伺水長當下尚引退 梁王瓚據楊村
夾河築壘造浮梁晉李存進亦造浮梁於德勝或曰浮
梁須竹竿鐵牛石困我皆無之何以能成存進以葦竿
維巨艦繫於土山巨木踰月而成人服其智

漢河橋

西羌傳永元五年護羌校尉貫友攻迷唐於大小榆谷
夾逢留大河築城塢作大航造河橋欲以度兵迷唐遠

徙依賜支河曲

永元元年春鄧訓發湟中六千人縫
革舡置筭上度河掩擊速唐大破之

司馬相如傳橋孫水

梁孫原

以通邛笮

趙充國傳奏治

湟陘中道橋令可至鮮水以制西域

漢石橋

水經注穀水又東屈而逕建春門石橋下即上東門也
橋首建兩石柱橋之右柱銘云陽嘉四年乙酉士申詔
書以城下漕渠東通河濟南引江淮方貢委輸所由而
至使中謁者魏郡清淵馬憲監作石橋梁柱勅工匠盡

要妙之巧三月起作八月畢成其水依柱文自樂里道
屈而東出陽渠 朱超石與兄書云橋去洛陽宮六七
里悉用大石下員以通水可受大舫過題其上云太康
三年十一月初就功日用七萬五千人至四月末止

齊地記秦始皇作石橋欲度海觀日出

東海有石橋
秦始皇造

唐

文粹趙郡汶河石橋隋匠李春之跡也製造奇特張嘉
正柳渙張彧為築

蜀漢武功竹橋

水經注諸葛亮表云臣遣虎步監孟瑛據武功水東司馬懿因水長攻瑛營臣作竹橋越水射之橋成馳去

魏洛水浮橋

蔣濟傳注濟隨司馬宣王屯洛水浮橋 文選注河南

郡縣境界簿曰城南五里洛水浮橋 魏畧洛陽城東

西橋洛水浮橋 初學記洛陽魏晉以前跨洛有

浮橋 潘岳賦浮梁黝以徑度 成公綏洛襖賦

飛橋浮濟造舟為梁 魏志曹公西征馬超多設

疑兵潛以舟載兵入渭為浮橋夜分兵結營於渭南

晉富平河橋

武紀秦始皇十年九月立河橋于富平津十一月立城東七里澗石橋 杜預傳預以孟津渡險有覆沒之患請建河橋於富平津議者謂殷周所都歷聖賢而不作者必不可立故也預曰造舟為梁則河橋之謂也及橋成武帝從百寮臨會舉觴屬預曰非君此橋不立也對曰

非陛下之明臣亦不得施其微巧 初學記洛北富平

津跨河有浮橋即杜預所建

又云洛陽魏晉以前跨洛有浮橋

通典

河南府河陽縣古孟津後亦曰富平津浮橋即晉杜元
凱所造 元和志河陽浮橋架黃河為之以船為脚竹
簞亘之晉陽秋云杜元凱造河橋於富平津即此是也

孟津亦謂富平津

春秋後傳赧王五十八年秦始皇作浮

橋于河 史記秦昭襄王五十年十二月初作河

橋

晉朱雀橋

紀明帝大寧二年六月丁卯以應詹為護軍將軍假節

督朱雀橋南諸軍事

吳時南津橋也
又名朱雀桁

成帝咸康二年

十月新作朱雀浮桁

孝武寧康元年三月癸丑詔除

丹楊竹格等四桁稅

初學記吳有朱雀橋東晉有朱

雀大航 四航丹陽竹格朱雀騾騎朱雀本吳時大航

咸康二年新立朱雀航對朱雀門南渡淮水亦名朱雀

橋

後魏渭橋

崔亮傳亮除雍州刺史城北渭水淺不通船亮曰杜預造河梁況此有異長河且魏晉亦有橋昔秦居咸陽橫橋度渭以像閣道此即以柱為橋會大雨水至浮出長木橋成至今名崔公橋

唐舟梁 陝津浮梁

六典水部凡天下造舟之梁四河三洛一河則蒲津大陽盟津

一名河陽

洛則考義也石柱之梁四洛三灞一洛則

天津永濟中橋灞則灞橋也大柱之梁三皆渭川也便橋中渭橋東渭橋此舉京都之衝要也巨梁十有一皆國工修之其餘則所管州縣隨時營葺百官志諸津

今掌舟梁灞橋永濟橋以勲散官一人涖之天津橋中

橋以衛士拚掃便橋渭橋萬年三橋有丞貞觀中廢河渠今

供祠祀則自便橋至東渭橋禁民漁地理志陝州陝

縣有大陽關一曰陝津即茅津貞觀十一年造浮梁通

典大陽橋貞觀中立行恭造舊紀開元二十年四月

癸巳改造天津橋

會要云四月二十一日改造天津橋
毀皇津橋合為一橋天寶元年二月

廣東都天津橋中橋
石脚兩眼以便水勢

初學記秦公子鍼奔晉造舟于

河在蒲坂夏陽津今蒲津浮橋

張說有蒲津橋贊

太宗有浮橋詩

皮日休河橋賦其形若劔倚天外龍

橫水心其高若大虹貫天其壯若巨鼉壓海不槭而

濟 役鵲踴鯨與波上下

唐永濟橋

元和志河南府永濟橋在壽安縣西十七里大業三年

置架浴水隋亂毀廢貞觀八年修造舟為梁長四十丈
三尺廣二丈六尺

唐中渭橋 便橋

元和志中渭橋在咸陽縣東南二十二里本名橫橋架
渭水上秦皇都咸陽渭水貫都以象天漢橫橋南渡以
法牽牛渭水南有長樂宮北有咸陽宮欲通二宮之間
故造此橋漢末董卓燒之魏文帝更造劉裕入關又毀
之後魏重造貞觀十年移於今所便橋在縣西南十里

架渭水上武帝建元三年初作便門橋在長安北茂陵

東去長安二十里長安城西門曰便門此橋與門相對

因號便橋

太宗與頡利
嘗盟于此

唐東渭橋

見上

以鼓吹送劉晏

見漕
運

建中四年十月命韓游

瓌拒泚於便橋劉德信

汝鄭應
援使

以東渭橋有積粟十萬

斛癸亥進屯東渭橋十一月丙子李晟自蒲津濟軍于

東渭橋

馬橐亦
屯馬

興元元年五月乙未晟自東渭橋移軍

光泰門晟復京師帝紀其功自文于碑立于東渭橋

在

橋側

跨虹連岸浮龍續航星文瀉漢虹勢凌虛

唐大陽橋

又見上

元和志大陽橋長七十六丈廣二丈架黃河為之在陝
縣東北三里貞觀十一年太宗東巡遣武侯將軍丘行
恭營造

唐天津橋

又見上

元和志在河南縣北四里隋大業元年初造用大舡維

舟以鐵鑲鉤連南北夾路對起四樓其樓為日月表勝
之象貞觀十四年更令石工累方石為脚爾雅斗牛之
間為天漢之津故取名 會要先天二年八月敕天津
橋除命婦車已外餘車不得令過 舊史郭子儀傳奉
廣平王入東都陳兵於天津橋南士庶歡呼於路

唐洛中橋

會要顯慶五年五月一日修洛水月堰舊都城洛水天
津之東有中橋利涉橋以通行李上元二年司農卿韋

機移中橋自立德坊西南置於安衆坊之左南當長夏
門上今於中橋南刻一方石列其年辰紀十六字蓋黃
絹之辭也因廢利涉橋所省萬計 韋弘機傳營繕東
都作宿羽高山等宮徙洛中橋於長夏門廢利涉橋人
便之 通典河南縣天津橋中橋石脚並長壽中中書
侍郎李昭德造 元和志中橋咸亨三年造

唐孝義橋

見上

會要天寶七載四月河南尹韋濟奏於偃師縣東山下

開驛路通孝義橋

唐河陽浮橋

見上

晉富平河橋

唐肥鄉橋

韋景駿傳神龍中景駿為肥鄉令縣北瀕漳水連年泛濫舊防迫漕渠雖峭岸隨即壞決景駿相其地勢益南千步因高築障水至堤趾輒去其北燥為腴田維艚以梁其上而廢長橋功少費約人立石著功數年後刺趙

州道出肥鄉民曰學廬館舍橋郭皆公所治

唐金橋

地理志金橋在上黨南二里常有童謠云聖人執節渡
金橋景龍三年十月二十五日帝經此橋之京師 潘
炎賦曰成金橋之巨麗得鐵鑠之宏規倚晴空之蟠竦
超渡海之龍鼉非填鵲之可比法牽牛而為狀異東明
擊水而投步匪秦帝驅山而着鞭 韋皋傳貞元五
年東蠻斷瀘水橋攻吐蕃

唐鐵牛 蒲津橋 祥符鐵牛詩

地理志河中府河西縣有蒲津關開元十二年鑄八牛
于蒲津牛有一人策之牛下有山皆鐵也夾岸以維浮
梁 通典河東縣後魏大統四年造浮橋九年築城為
防唐開元十二年河兩岸開東西門各造鐵牛四鐵人
四其牛下並鐵柱連腹入地丈餘并前後鐵柱十六
通鑑開元九年新作蒲津橋銘鐵為牛 會要開元九
年十二月九日增修蒲津橋絙以竹葦引以鐵牛命兵

部尚書張說刻石為頌 張說蒲津橋贊河有三橋蒲

津居其一舊制橫絙百丈連艦千艘辨修筭以維之繫
圍木以距之開元十二載俾鐵代竹取堅易脆賦晉國
之一鼓法周官之六齊飛廉煽炭祝融理壚結為連鎖
鎔為伏牛偶立於兩岸襟束於中潭鑿以持航牛以繫
纜亦將厭水物奠浮梁 賈至陝州鐵牛頌杳冥精兮
混茫氣凝為伏牛載厚地巨靈西掌屹屨肩長河東流
汙沸渭堅立不動神之至 本朝祥符四年二月甲子

次河中府度河橋觀鐵牛三月乙亥幸順正廟作鐵牛
詩 治平三年四月己丑初河中浮梁用鐵牛八維之
一牛數萬斤後水漲絕梁牛没于河真定僧懷丙以三
大舟實土夾牛維之用木鉤牛徐去土舟浮牛出詔賜
懷丙紫衣

秦以金牛咬蜀五丁棧褒斜迎之 李冰刻石作三犀
牛 蜀郡蒲江有七橋西南石牛門石犀所潛泉也

孔明木牛

唐汴橋

權懷恩傳嘗過汴州刺史楊德幹以嚴稱汴橋新成立木中涂止過車者謂德幹曰民不可止耶馬用此

唐洛陽四橋

宋會要政和四年宋昇奏西京端門前考唐洛陽圖舊有四橋曰穀水曰黃道在天津橋之北曰重津在南並為疏導洛水又橋之上十里有石堰曰分洛自唐以來引水入小河東南入伊

建隆天津橋

二年四月西京留守向拱修天津橋成甃石為脚高數丈銳其前以疏水執石縫以鐵鼓絡之詔褒美 政和四年八月十日宋昇上修天津橋圖又請修重津黃道橋置分洛堰從之

景德奉先橋

四年二月西京新造皆店渡橋於西賜名奉先

祥符大慶橋

四年二月丁卯改蒲津橋曰大慶

祥符延安橋 安國橋

五年九月七日車駕臨視新作延安橋 先是七月戊辰二日徙汴河廣濟橋於相國寺前榜曰延安又作橋跨惠民河榜曰安國

祥符迎真橋

六年六月辛未詔昇平橋名曰迎真以欽迎真像由飛梁登寶生故也 四年二月戊辰詔洛水橋名迎蹕渭

水橋名省方

祥符延福橋 皇祐安濟橋

六年十二月丁亥賜南薰門內惠民河新橋名曰延福
皇祐三年十月辛巳以惠民河新作橋為安濟橋

祥符崇真橋

六年十一月丁巳賜太清宮東澗水橋名曰崇真

八年四月

甲子命王欽若撰記

亳州北門外澗水橋曰靈津

陳堯叟撰記

應天府

穀熟汴水橋曰按蹕

丁謂撰記

開封陳留汴水橋曰凝祥

王嗣

宗撰
記

景德二年四月改修京新城諸門外橋並增

高之

熙寧永通橋 寧和橋

六年四月十七日庚寅熙州洮河浮梁成賜名

永通橋十月延州浮梁成賜名寧和橋

趙高營之以通

糧道在黃河渡

政和五年六月詔居山至大伾山浮橋

名天成大伾至子山浮橋名聖功 開寶七

年十一月曹彬言大江浮梁成 嘉祐二年修

澶州浮橋元豐四年十一月十六日滑州浮橋
成六年八月十一日命河中府修浮橋隄岸

紹興二年六月三日申嚴黃河浮橋之禁揭
于兩岸

古者辰角見而雨畢則除道天根見而水涸則成
梁梁者造舟為之未有橋之名也昔人之覘陳議
鄭蓋不越是周官道路之修職於司險廬館之
備具於遺人其有不由道而橫行宵征不由梁而

川游徑踰秋官為之厲禁 通濟利涉三才一致故
辰象昭回天江臨乎析木鬼神幽助海石到手扶
桑 浮鼉役鵠超涯截壑 幹地泉開盤根玉甃
虹舒電拖 力將岸爭勢與空闕

鄭以乘輿濟人漆洧孟子譏其不知為政陳廢先
王之教而川不梁單朝知其必亡 彭城橋梁郵
亭不修薛宣知其不能陳道第不可行單襄公
知其必亡

邸驛

郡國朝宿之舍在京者謂之邸郵騎傳遞之館在四方者謂之驛

周路室 候館

周禮遺人凡國野之道十里有廬廬有飲食三十里有宿宿有路室路室有委五十里有市市有候館候館有積注廬若今野候徒有序也宿可止宿若今亭有室候館樓可以觀望者也 委人凡軍旅賓客館焉 大僕

以待達窮者與遽令注遽令郵驛上下程品 環人舍
則授館 司儀致館如初之儀 小行人郊勞賦館
懷方氏治其委積館舍飲食 行夫掌邦國傳遽之小
事 聘禮管人注掌容館者 國語周之秩官候人為
導司里授館 周之設官行人掌其籍懷方治其舍象
胥相其禮委積飲食送迎出入各有司存 周三百六
十官職掌之關乎賓客者七十有六天官所總實居十
八蓋自司關敬關以告司徒令野修道委積掌訝逆賓

于疆於是共禮酒共陳酒共稍禮共齊菹以至牢米漚
羊澤物幣齊各庀其事司儀致館環人授館小行人眡
館蓋無一而不周當是時也不獨朝賓國客為然有委
積焉旬聚焉以待羈旅雖行道之人亦有廬有宿以舍
之食之隸館以責晉與梁以譏鄭里候以覘陳不曰道
涂館舍為不急之務也晉文公崇大諸侯之館諸侯賓
至旬設庭燎僕人巡宮車馬有所賓從有代巾車脂轄
隸人牧圉各瞻其事百官之屬各展其物後以隸垣羸

諸侯鄭僑知其必衰

漢郡國邸

百官表典客有郡邸長丞各一初置郡國邸屬少府中

屬中尉後屬大鴻臚注師古曰主諸郡之邸在京師者

也

朝宿之舍

朱買臣傳常從會稽守邸者寄食

服虔曰有守邸丞

步歸郡邸直上計時宣紀猶坐收繫郡邸獄註師古

曰漢舊儀郡邸獄治天下郡國上計者屬大鴻臚哀

紀召定陶王立為皇太子謝曰願且得留國邸旦夕奉

問起居

母將隆傳宜召定陶王使在國邸以填萬方

季布為河東守至留

邸一月是邸有邸也齊王肥入朝呂后置酒齊邸盧綰

子降舍燕邸申公舍魯邸是國有邸也何武為揚州刺

史奏事至邸是刺史有邸也鄧支首縣蠻夷邸門是蠻

夷亦有邸也揚雄書云雄作縣邸銘續志中興但

令郎治郡邸注永元十年大匠應順言百郡計吏觀國

之光而舍逆旅崎嶇私館朝會邈遠事不肅給昔伯國

盟主耳舍諸侯於隸人子產以為譏况四海之大乎和

帝嘉納卽創馮 黃香傳元和中千乘王冠帝會中山
邨詔香殿下謂諸王曰此天下無雙江夏黃童也 何
進傳引兵入屯百郡邨 陸機洛陽記百郡邨在洛城
中東城下步廣里所以通奏報待朝宿

漢亭候 郵亭 傳置

百官表十里一亭亭有長十亭一鄉鄉有三老有秩嗇
夫游徼皆秦制也 帝紀高祖為泗上亭長注師古曰
秦法十里一亭亭長主亭之吏也亭謂停留行旅宿食

之館

應劭曰亭有兩卒一為亭父掌開閉掃除一為求盜掌逐捕盜賊續志亭有亭長以禁盜賊漢

官儀十里一亭亭長亭候五里一郵郵間相去二里半

文帝二年十一月詔曰

云云以給傳置注師古曰置者置傳驛之所因名置

平帝元始五年正月詔置宗師考察不從教令者宗師

得因郵亭書言宗伯注師古曰郵行書舍也列傳郵

食其沛公至高陽傳舍傳置之舍使人召食其夏侯嬰為

沛廢司御每送使客還過泗上亭與高祖語韓信四

年漢王從張耳軍修武至宿傳舍晨馳入壁奪其印符

賈誼疏斥侯望烽燧不得卧 張騫開外國道云云

天子虜樓蘭王酒泉列亭障至玉門 汲黯曰匈奴畔

其主而歸漢徐以縣次傳之 趙充國奏繕治郵亭

見北

田類 黃霸守潁川使郵亭鄉官皆蓄雞豚吏出不敢舍

郵亭 薛惠為彭城令橋梁郵亭不修注師古曰郵如

今之驛及行道館舍也 霍光昭帝曰將軍之廣明都

郎注廣明亭名 貢禹言官奴婢宜令代關東戍卒乘

北邊亭塞候望 龔勝邴漢歸詔行道舍傳舍縣次食

從者及馬 匈奴傳太初三年光祿徐自為出五原塞
數百里遠者千里築城障列亭至盧朐使韓說衛伉屯
其旁其秋匈奴壞光祿所築亭障昭帝時漢邊郡漢火
候望精明匈奴為邊寇者少利希復犯塞元帝時侯應
曰孝武建塞徼起亭隧築外城設屯戍以守陰山前以
罷外城省亭隧令裁足以候望通漢火而已

地節二年
罷外城

食貨志元封四年冬天子北出蕭關從數萬騎行獵
新秦中勒邊兵而歸新秦中或千里無亭徼誅北郡太

守以下 史大事記元光六年南夷始置郵亭 光武

紀建武十三年十二月遣驃騎大將軍杜茂屯北邊築

亭候修烽燧 杜茂傳建武十二年遣謁者段忠將弛

刑鎮守北邊因發邊卒築亭候 王霸傳建武十二年

與杜茂治飛狐道築起亭障自代至平城三百餘里

馬成傳建武十四年代杜茂繕治障塞自西河至渭橋

河上至安邑太原至井陘中山至鄴皆築保壁起燧燧

十里一候 南匈奴傳光武初平諸夏建武六年始通

好數與盧芳共侵北邊十三年寇河東轉居塞內朝廷
患之增緣邊兵部數千人大築亭候修烽火二十六年
冬北單于追擊南部乃詔南單于徙居西河遣將衛之
南單于列置諸部北單于惶恐願還所掠漢人鈔兵每
到南部下還過亭候輒謝曰自擊亡虜莫難日逐耳非

敢犯漢人也

又建武二十二年烏桓破匈奴匈奴北徙幕南地空詔罷諸邊郡亭候吏卒

衛颯傳遷桂陽太守三縣去郡遠且千里每一吏出徭
及數家颯乃鑿山通道五百餘里列亭傳置郵驛於是

役省勞息 章帝紀贊戎亭虛候 和帝紀舊南海獻
龍眼荔支十里一置五里一候帝罷之 順帝紀永和
五年九月令扶風漢陽築隴道塢三百所置屯兵 西
羌傳元初三年秋築馮翊北界候塢五百所 禮掌節
注如今郵行有程 東京賦西登少華亭候修勅

漢代郵

文紀太尉勅上天子璽代王謝曰至郵而議之閏月己酉入代郵羣臣從至遂即位奉天子法駕迎代郵注師

古曰郡國朝宿之舍在京師者率名邨邨至也言所歸至也

漢甘泉諸侯邨

郊祀志太初元年受計甘泉其後天子又朝諸侯于甘泉作諸侯邨劉澤傳田生說張卿曰諸侯邨第百餘皆高帝一切功臣

漢單于邨 蠻夷邨 質館

見館類

匈奴傳元封中漢使王烏等如匈奴匈奴給曰吾欲入

漢見天子面相結為兄弟王烏歸報漢漢為單于築邸
于長安單于殊無意入漢遣太子來質 宣紀甘露三
年春正月行幸甘泉匈奴呼韓邪單于來朝贊謁稱藩
臣而不名使有司道單于先行就邸長安宿長平上登
長平阪詔單于毋謁其左右當戶之羣皆列觀蠻夷君
長王侯迎者數萬人夾道陳上登渭橋咸稱萬歲單于
就邸置酒建章宮饗賜單于二月歸 元紀建昭三年
冬斬郅支單于首傳詣京師縣蠻夷邸門注師古曰蠻

夷邨若今鴻臚客館 陳湯傳延壽湯上疏曰斬郅支
首及名王以下宜縣頭橐街蠻夷邨間注音灼曰黃圖
在長安城門內師古曰橐街街名蠻夷邨在此街也邨
若今鴻臚客館 段會宗傳宛王郅支頭縣橐街烏孫
所知也 後西域傳永元六年都護班超斬焉耆尉黎
王首縣蠻夷邨注若今鴻臚寺 唐薛登曰斥居塞外
有時朝謁已事則歸三王之法也漢魏以來革襲衣冠
築室京師不令歸國較其利害三王是而漢魏非拒邊

長而質子短

漢六王邸

見大駕宮

漢都亭 魏都亭

張綱傳漢安元年選遣八使徇行風俗綱獨埋其車輪
於洛陽都亭曰豺狼當路安問狐狸 何進傳中
平元年為大將軍率左右羽林五營士屯都亭
司馬相如傳往舍都亭注臨邛所治都之亭 嚴延年

傳母到雒陽止都亭不肯入府 魏都賦營客館以周

坊飭賓侶之所集偉豐樓之閑闋起建安而首立葺牆

幕室房廡雜襲廣成之傳無以儔

史記秦舍蘭相如廣成傳

橐街之

邨不能及注鄴城都亭北有大邨起樓門臨道建安中

所立

漢籌筆驛

在蜀路諸葛孔明亮籌畫於此山水最秀 殷潛之杜

牧石延年有詩

廐置

田橫傳

善置

曹參傳

騎置

李陵傳

邛邲

淮南王傳行書之

舍

鄭當時傳為太子舍人每五日洗沐當置驛馬長

安諸郊 王溫舒傳為河內太守令郡具私馬五十匹

為驛自河內至長安 丙吉傳馭吏見驛騎持赤白囊

邊郡發奔命書馳來至馭吏因隨驛騎至公車刺取

陳湯傳段會宗為烏孫兵所圍驛騎上書 續志驛馬

三十里一置卒皆赤犢注臣昭案東晉猶有郵驛 東

平王蒼傳驛馬千里傳問起居 禮太僕注遽傳也若

今時驛馬軍書當急聞者 高紀注師古曰傳者若今
之驛古者以車謂之傳車其後又單置馬謂之驛騎

宋南北客館 梁典客館

唐六典周禮掌客上士二人漢鴻臚有行人武帝改行
令魏改曰客館今晉曰典客宋永初中分置南北客館
今丞齊有客館今梁有典客館今丞後魏置主客令隋
鴻臚卿統典客今後改曰典蕃又於建國門外置四方
館待四方便客各掌方國及互市事唐以四方館隸中

書

注云代宗永泰後事多留滯四夷使者及四方奏計連歲不達於右銀臺門置客省以處之大曆十四年

七月德宗罷之

晉庾翼綏來荒遠務盡招納之宜立客館

置典賓 齊王融兼主客接魏使 陳潘徽為客館

令 元魏於洛水橋南御道東作四館

金陵熱然扶桑崦

道

西立四里

隋四方館

六典注隋開皇三年置謁者臺改舍人為通事謁者置四方館於建國門外隸鴻臚寺待四方使者唐廢謁者

臺四方館屬中書省

太和二年六月賜印以中書省四方館為名五年四月鑄內外客省

印使

唐諸州邨

鴻臚客館

四方館

見館類

進奏

院

太宗紀貞觀十七年十月丁未建諸州邨于京城

通典至永

淳中諸州邨舍漸毀

會要貞觀十五年正月上謂侍臣曰古者

諸侯入朝有湯沐邑芻禾百車待以客禮漢為諸侯刺史郡守立邨舍於京城頃聞都督刺史充考使至京師

與商人雜居禮不足人多怨至十七年十月一日下詔
令就京城為諸州朝集使造邸第三百餘所上親觀幸

焉神龍元年司農卿趙履溫奏請出賣

開元十九年十一月十三日勅

鴻臚官吏施門籍出入其譯語掌容出入客館者於長官下狀牒館門

建中元年十月二

十九日勅每州邸第令本州營置二年五月十四日戶

部奏以官宅數十所分居舊紀大曆十二年五月甲

寅諸道邸務在上都吏曰留後改為進奏院兩京記

承天門西第七街北從東第一曰鴻臚寺次西鴻臚客

館如漢之臺街邨四夷慕化及朝獻者之所居 六典

鴻臚有典容令凡酋渠朝見館而以禮供之 周有掌容上士二人

柳宗元邠寧進奏院記凡諸侯述職之禮必有棟宇

建于京師朝覲為修容之地會計為交政之所其在周典則皆邑以具湯沐其在漢制則皆邨以奉朝請唐興因之則皆院以備進奏

唐都亭驛

詳見後

會要貞觀十九年征遼發定州太子請飛驛遞表起居

飛表奏事 開元十五年四月勅兩京都亭驛出使人毋
自茲始

淹留二十八年六月一云二十九年六月丙辰停水驛貞元二年十

二月勅自上都至汴州為大路驛至荆南為次路驛元

和初以官人為館驛使李吉甫奏罷之十二年十二月

復以中人領使左補闕裴潁諫曰畿內有京兆尹道有

觀察使刺史監臨臺又御史為使云云不從六典以監察第一御

史主寶曆二年二月鳳翔置驛三曰渭陽通蜀安途山

南新置斜谷路初驛三曰垂關武興右界 李勣傳元

和十三年使潞州言道第不治詔出飛龍馬數百給畿

驛 郭子儀傳乾元元年破賊河上遂朝京師詔百官

迎於長樂驛帝御望春樓待之 回紇傳置過郵六十

八所

見上

孫樵書襄城驛

元稹陽城驛詩南有陽城

驛名同陽道州我願避公諱名為避賢郵 韓愈記宜

城驛

唐兩京館驛

傳驛

又見上

會要開元十六年七月敕傳驛因御史出使察之二十

五年五月御史鄭審檢校兩京館驛猶未稱使今驛門
前十二辰堆即審羈馮乾元元年三月以度支郎第五
琦充使大厯五年九月以京兆尹充使十四年九月各
以御史知驛遂稱使 柳宗元館驛使壁記曰館驛之
制於千里之內尤重自萬年至于渭南其驛六其蔽曰
華州其關曰潼關自華而北界于櫟陽其驛六其蔽曰
同州其關曰蒲津自灊而南至于藍田其驛六其蔽曰
商州其關曰武關自長安至于藍屋其驛十有一其蔽

曰洋州其關曰華陽自武功西至于好時其驛三其蔽
曰鳳翔其關曰隴關自渭而北至于華原其驛九其蔽
曰坊州自咸陽而西至于奉天其驛六其蔽曰邠州由
四海之內總而合之以至于關由關之內東而會之以
至于王都華人夷人往復而授館者旁午而至傳吏奉
符而閱其數縣吏執牘而書其物告至告去之役不絕
於道寓望迎勞之禮無曠於日而春秋朝陵之邑皆有
傳館其餼饋繕修於是出納之數考會之政大厯十

四年始令御史為之使俾考其成以質于尚書李月之
晦必合其簿書以視等列校其信宿貞元十九年韓泰

告于上始鑄使印而正其名 百官志駕部掌傳驛凡

三十里有驛驛有長舉天下四方之所達為驛千六百

三十九水驛有舟 六典駕部郎中掌天下傳驛凡三

十里一驛驛有長天下凡一千六百三十九所三百六十

所水驛一千二百九十七所陸驛八十六所水陸相兼

理道要訣云驛
千三百八十八

李吉甫傳元和八年

會要九
年四月

傳言回

鷓入寇因請起夏州至天德復驛候十一區以通緩急

舊紀元和八年十一月丙寅自夏州至豐州初置八驛

唐郵驛條式

會要貞元八年

舊紀閏月癸酉

門下省奏郵驛條式應給紙券

六典之制以監察第二御史主郵驛

宋朝都亭驛 班荆館

晉天福五年九月戊子改東京上源驛為都亭驛在光

化坊舊制待河西蕃部

開寶六年七月辛酉幸都亭驛八年三月二十六日契丹使來

聘館都亭驛景德四年二月十日宴宗室百官於都亭驛其後專館契丹使

崇寧元年

重修九月五日畢又景陽門外有班荆館為迎餞之所

隸北驛紹

興十四年五月甲子初建于臨安十二月成以館北使

一云十二年三月十六日畢功

宋朝禮賓院

在歸德坊掌蕃夷朝貢互市興國二年九月勅泥朝貢館於是院舊有蕃譯院景德三年併入熙寧九年四月

省禮賓院監官

唐元和九年六月乙未置禮賓院於長興里之北

宋朝客省 四方館

志客省使二人

在閣門西

掌四方諸蕃國朝貢之儀物還則

授以賜予詔書四方館使二人

在朝堂門外

掌通元日冬至

朔旦之表章郊祀則定蕃國使陪祠之服位大朝會亦

如之

紹興四年四月七日詔隸中書省不隸臺察五

年六月九日詔知閣門事兼客省四方館事

初建炎元年十二月

二十一日以西上閣門引進司四方館併歸閣門客省先是慶曆四年十一月詔引進使四方館使並兼領

閣門公事元豐七年四月二十二日詔容省
四方館使副官最高者一員兼領閣門事

景德懷遠驛

初周世宗顯德五年五月江南稱藩城東置懷信驛以

待其使四年四月改赤倉驛為通吳驛辛丑幸皇朝興國二年八月四

日改為都亭驛以館契丹使其諸蕃客使止於公府景

德三年十二月辛巳作懷遠驛於汴河北以待南蕃交

州西蕃大食龜茲于闐甘州等貢奉客使規度侍衛都虞候舊驛為

之在興道坊初祥符六年五月甲寅以驛增修為皇
館契丹後館交趾

姪惟正等南宅 紹興二十五年安南入貢六月九日

詔行驛以懷遠為名十一月十六日賜占城使宴享于

懷遠驛

先是十四年新祕書省成以舊省為懷遠驛

二十六年十二月二十

七日賜三佛齊使宴于懷遠驛乾道二年八月十一日

廢為臺諫廨舍九年十一月一日詔權以貢院為懷遠

驛事已依舊

祥符都亭西驛

舊曰上源西驛在惠寧西坊掌河西蕃部貢奉祥符元

年改今名 祥符九年四月七日以京城西舊染院為
夏州蕃驛 熙寧五年四月乙亥命修都亭驛以待夏
使

祥符迎鑿驛

元年五月九日庚午改鄆州臨鄆驛曰迎鑿砂溝驛曰
翔鑿六月十四日癸卯改兗州葛石驛曰回鑿知溝驛
曰太平

熙寧東遠驛

在崇化坊熙寧三年五月戊午十九日置以待蕃客

以馬軍都

庚侯舊解增葺八年閏四月十八日詔都亭西驛監官兼領

紹興六年十月二十

四日戊午以廣州奉真觀為來遠驛從舶司之請以備招來諸國貢使

熙寧同文館

在延秋坊熙寧中置以待高麗使

舍宇一百七十八間

七年正月

以內臣掌之紹興三年二月四日以高麗遣使入貢詔葺法慧寺為之既而不至

都亭以待大遼都亭西驛以待西蕃阿黎于闐新羅渤海懷遠以待交趾同文以待青唐高麗

元豐樂賓館 通津驛

元豐二年明州及定海縣作高麗貢使館五月二十五

日賜名樂賓

亭曰航濟

四年十月二十一日名滑州新作遼

使驛曰通津

初題曰武成詔改是名

元祐元年八月二日詔河

陽郡修北使驛亭溫縣宿頓以至德河陽縣中頓以清

沈汜水縣中頓以行慶館為名

本朝諸路郵傳每二十五里置一遞役卒十有二人軍興以來凡道蜀道者皆增斥堠遞九里一置其後黃敏行措置江浙荆襄之間舊無斥堠者一切創增 漢唐之興建邸臺街築館鴻臚 以隸垣覘晉司里覘陳



山海經卷一百七十二

卷一百七十二

玉海卷一百七十二

欽定四庫全書

子部

玉海卷一百七十三

詳校官中書臣張經田

主事臣祁韻士覆勘

總校官進士臣朱鈐

校對官編修臣盧遂

謄錄監生臣周燮

欽定四庫全書

玉海卷一百七十三

宋 王應麟 撰

宮室

城 上 邊城附

公羊傳城雉者何五板而堵五堵而雉百雉而城說
文城以盛民也

顛項城

九域志廣信軍新城高陽記曰本顓頊所造又名伏龍

城開德府

澧州

顓頊城顓頊之所都

帝丘本顓頊之墟

左傳凡

土功龍見而畢務戒事也火見而致用水昏正而裁日
至而畢

堯城 舜城 湯城

後漢郡國志河東郡平陽堯都此注晉地道記曰有堯
城 說文陶丘有堯城 漢高紀注師古曰許慎說文
解字云陶丘再成也在濟陰夏書曰東至陶丘陶丘有

堯城堯嘗居之後居於唐改堯號陶唐氏 括地志堯

城在濮州鄆城縣東北十五里 汾陰故城俗名殷湯

城在蒲汾陰縣北九里 唐會要元和八年河東節度

使張弘靖奏修古舜城從之 唐孫樵有舜城碑 博

物志禹作三城强者攻弱者守敵者戰城郭自禹始也

淮南子鯀作九仞之城

周城

後漢志右扶風美陽有岐山有周城注杜預曰城在縣

西北帝王世紀曰周大王所徙南有周原

周王城 周城成周 九六城

通鑑外紀 武王既克商瞻河洛而歎曰此天室也遂遷

九鼎于郊鄩周公攝政七年二月己未成王在豐將宅

洛邑使太保先周公相宅

史記曰成王在豐使召公復營洛邑如武王之意周公復

卜申視辛營築居九鼎焉曰此天下之中四方入貢道里均作召語洛語焉

乃卜澗水東瀍

水西三月七日庚戌至王城

漢志曰周公致太平營以為都是為王城

十一

日甲寅而成謂之宗周

左傳桓二年城哀伯曰武王克商遷九鼎于洛邑宣三年王孫

滿曰成王定鼎于郊鄭注今河南也武王遷之成王定之後有西戎之難至平王即

位元年歲在辛未東遷于王城至考王封其弟於河南王城是為桓公以靖周

公之官職桓公卒子威公立威公卒子惠公立惠公封

少子班於鞏以奉王號東周惠公而河南惠公自為西

周自敬王十年凡一百六十三年至赧王即位之元年

歲在丁未東西周始分治赧王復徙都西周凡六十年

歲在丙午秦昭襄之元年秦滅東周作雒解周公作大邑成周于土中

立城方千六百二十丈郭方七十二里南繫于洛水北

因平郊一作山以為天下之大湊博物記曰上城方七

里南望洛水北至陝山左傳襄二十四年齊人城郊

杜預注曰郊王城也穀洛闕毀王宮齊為王城之用語

三

三

靈王二十二年 帝王世 紀河南城西有郊 鄆陌

王城面有三門凡十二門

以通十二子

禮地官司門注 王城十二門

南城門曰圍門

見莊二十一年

城門曰鼎門北城門曰乾祭

見昭二十四年

每門有塗男子由

右婦人由左車從中央南北之道為緯途闊十二步王

宮當塗之經左祖右社面朝後市王宮有五門宮有六

寢其內有王后六寢九嬪以下分居之近郊三十里之

地為明堂以祀天天子祀上帝左巷

昭二十三年子朝入王城次左巷注

近東

莊宮

二十六年十二月王入莊宮注在王城

帝王世紀太王邑於

岐山之陽美陽縣西北岐城舊址是也南有周原始改號

曰周

續漢志右扶風美陽有岐山有周城注杜預曰城在縣西北帝王世紀曰云云

王季徙程

文王受命徙都於鄆在今京兆之西

詩築城伊瀆作豐伊匹注瀆成溝也

箋云文王築豐邑之城大小通與成偶大於諸侯小於天子之制

武王徙都鎬

亦京兆界

及

伐紂營洛邑而定鼎焉今洛陽西南洛水北有鼎中觀

是也

入曰東南門九鼎所從入邠國志河南東城門名鼎門

周公相成王以鄆鎬

偏處西方

均真不

乃使召公卜洛云云洛誥卜澗水東瀍

水西

注今河南城

又卜瀍水東

注今洛陽

召誥云云注規度城郭

郊廟朝市之位處於戊申三月庚戌以衆殷之民治都

邑之位於洛水北今河南城池

疏匠人王城方九里典命又以公城方九里天

子城十二里

匠人營國方九

史記成王卜居九鼎而

里疏鄭異義駁云周亦九里城

周復都豐鎬至平王乃東徙正義括地志云洛陽故城

在洛陽縣東北二十六里周公所築即成周城也

詳見京輔

類

漢志河南郡雒陽縣周公遷殷頑民是為成周河

南縣故邾鄆地周武王遷九鼎周公致太平營以為都

是為王城至平王居之初雒邑與宗周通封畿

注師古曰宗周

鎬京也方八百里八八六十四為方百里者六十四雒邑成周也方六百里六六三十六為方百里者三十六

二都得百里者百方千里東西長而南北短短長相覆為千里至襄

王以河內賜晉文公又為諸侯所侵故其分地小

至是七城

而已後漢志雒陽

擊虞曰古之周南今之洛陽

周時號成周

公羊傳曰成周

者何東周也何休曰周道始成王之所都也帝王世紀曰成周城東西六里十一步南北九里一百步晉太康地道記曰城內南北九里七十步東西六里十步為地三百頃一十二畝有三十六步

有狄泉在

城中

左傳僖二十九年盟于狄泉杜預曰城內太倉西南池水或曰本在城外定九年城成周乃統之

晉時此水在東宮西北

有上程聚

世紀文王居程徙都豐故此加為上程

河南周公

時所城雒邑也春秋時謂之王城

鄭玄詩譜曰周公攝政五年成王宅雒邑

使召公先相宅既成謂之王城禮大司馬注畿猶限也自王城以外五千里為界卷有長城經

陽武到密

史記蘇秦曰西有長城之界

春秋昭二十六年冬十月

天王入于成周傳十一月癸酉王入于成周

注今洛陽

三

十二年冬仲孫何忌會晉韓不信齊高張宋仲幾衛世

叔申鄭國參曹莒薛杞小邾人城成周傳秋八月王使

富辛與石張如晉請城成周

注子朝之亂其餘黨多在王城敬王畏之徙都成周

成周狹小故請城之天子曰昔成王合諸侯城成周以為東都崇文

德焉今我欲徵福假靈于成王修成周之城俾戍人無
勤諸侯用寧蚤賊遠屏晉之力也冬十一月晉魏舒韓
不信如京師合諸侯之大夫于狄泉尋盟且令城成周
已丑士彌牟營成周計丈數揣高卑度厚薄仞溝洫物
土方議遠適量事期計徒庸慮財用書餼糧以令役於
諸侯屬役賦丈書以授帥而效諸劉子韓簡子臨之以
為成命定元年正月城成周庚寅栽設板城三旬而畢

乃歸諸侯之戍七年王入于王城

公羊傳仲幾不裝城注若今以草衣城禮

諸侯為天子治城各有分寸漢志以為不兼城以差次受功賦也

晉太康地道記曰

王城去洛城四十里城內南北九里七十步東西六里十步為地三百頃一十二畝三十六步陸機洛陽記曰洛陽城周公所制東西十里南北十三里城上百步有一樓櫓外有溝渠華延雋洛陽記曰陸機所謂洛陽城即

成周也後漢魏隋並都于此城東西六里南北九里俗

傳亦云九六城

帝王世紀云初晉合諸侯之大夫于狄泉以成周小不受三都故壞翟泉而廣

馬漢張良傳山東人勸上都雒陽東有成皋西有穀

背河鄉洛其固亦足恃良曰其中不過數百里四面受敵非用武之國洛陽記曰左成臯右函谷前有伊闕後背孟津杜預曰作成周遷殷民以為京師之東都所以崇文王之德蓋周公以商之大夫士從武庚叛者未從周化召公既相宅又卜灑水東周公往營之是謂下

都

書謂之東郊

遷殷頑民於周周公親監之周公浚成王以

君陳代之君陳卒康王以畢公代之自平王避西戎之難東遷洛邑居于王城

王城即郊

更十三王凡三百六十

年至敬王十年歲在辛卯王子朝之亂其黨多居王城
敬王畏之徙都成周 呂氏曰王城在澗瀍之間下都
在瀍水之外成周其總名杜預孔穎達皆以下都為成周
謂敬王自王城徙都之其說不然左氏未嘗有敬王自
王城遷成周之明文第言子朝既逐王入于成周而已
東京賦先王之經邑掩觀九隩靡地不營土圭測景
不縮不盈總風雨之所交以建王城召伯相宅卜惟洛
食周公初基其繩則直萇弘魏舒是廣是極

詳見
洛宮

呂

溫古東周城銘文王受命肇興西上周公作洛始會風
雨居中正本拓統開祚盛則駿奔衰則夾輔二伯之後
時無義聲大夫萇弘言抗其傾坐召諸侯廣崇王城雖
微遠猷實被令名立臣之本委質定分為仁不卜臨義
不問興亡理亂在德非運罪之違天不可以訓

夏官掌固掌修城郭溝池之固頒其士庶子及衆庶之

守設其飾器

兵甲之屬今城門之器亦然

任其萬民用其材器

所謂整築

及為藩落凡守者受澶以通守政若造都邑則治其固與其

守灋

都邑亦為城郭

若有山川則因之

若穀 電 河漢

考工記匠人

營國國中九經九緯經涂九軌左祖右社云云王宮門阿之制五雉以為都城之制宮隅之制七雉以為諸侯之城制城隅之制九雉云云注國中城內也軌謂轍廣乘車六尺六寸旁加七寸凡八尺是為轍廣雉長三丈高一丈都四百里外距五百里王子弟所封其城隅高五丈諸侯畿以外也其城隅制高七丈疏按異義古周禮說云天子城高七雉隅高九雉公之城高五雉隅高七雉

侯伯之城高三雉隅高五雉都城之高皆如子男之城
高左傳鄭祭仲曰都城過百雉國之害也注侯伯之
城方五里徑三百雉故其大都不得過百雉

武王鉤陳壘

水經注河南有鉤陳壘世傳武王伐紂八百諸侯所會
處尚書所謂不期同時也紫微有鉤陳之宿主兵陳故
遁甲攻取之法以所攻神與句陳并氣下制所臨之辰
是以壘資其名

周城朔方 城東方

詩出車王命南仲往城于方出車彭彭旂兆央央天子

命我城彼朔方赫赫南仲獫狁于襄注方朔方近獫狁

之國也朔方北方也

朱氏曰今靈夏等州之地程氏曰城朔方而獫狁之難除禦戎狄

之道守備為本不以攻戰為先也

烝民四牡彭彭八鸞鏘鏘王命仲

山甫城彼東方注東方齊地古者諸侯之居逼隘則王

者遷其邑而定其居蓋去薄姑而遷於臨菑也

朱氏曰仲山甫

奉使築城于齊孔氏曰史記齊世家獻公元年徙薄姑治臨菑當夷王之時與毛傳不合毛氏在馬遷之前

其言當有據 朱氏曰豈徒於夷王之時至是而始備其城郭之守與 緜棊之陔陔度之

薨薨築之登登削屢馮馮百堵皆興鼙鼓弗勝 韓奕

溥彼韓城燕師所完實墉實壑

言高其城深其壑 實畝實籍

書費誓甲戌我惟征徐戎峙乃糗糧甲戌我惟築

周公城

史記正義括地志云周公故城在岐山縣北九里召公故城在岐山縣西南十里此周召之采邑也

楚城沂

左傳宣十一年楚令尹蒍艾獵城沂使封人慮事以授
司徒量功命日分財用平板榦稱畚築程土物議遠邇
畧基址具餼糧度有司事三旬而成不愆于素

楚方城

水經注郡國志曰葉縣有方城郭仲產曰因山以表名
尸子曰楚狂接輿耕於方城盛弘之云葉東界有故城
始犂縣東至瀨水達泚陽界南北聯聯數百里號為方
城一謂之長城云鄴縣有故城一面未詳里數號為長

城即此城之西隅其間相去六百里南北雖無基築皆連山相接而漢水流其南故屈完答齊桓公云楚國方城以為城漢水以為池未詳孰是

水經注又云竹書紀年梁惠成王十二年

龍賈率師築長城于西邊

齊長城

史記蘇秦傳長城鉅防正義長城西頭在濟州平陰縣界竹書紀云梁惠王二十年齊閔王築防以為長城太山記云太山西有長城緣河經太山餘一千里至琅邪

臺入海 蘇代說燕曰齊有長城巨防

秦趙燕長城

漢匈奴傳秦昭王滅義渠於是秦有隴西北地上郡築長城以距胡趙武靈王北破林胡樓煩自代並陰山下至高闕為塞而置雲中鴈門代郡燕破東胡亦築長城自造陽至襄平置上谷漁陽右北平遼西遼東郡以距胡當是時冠帶戰國七而三國邊於匈奴後秦滅六國始皇詔蒙恬擊胡悉收河南地因河為塞築四十四縣

城臨河徙適戍以充之通直道自九原至雲陽因邊山

險墜谿谷起臨洮至遼東萬餘里

年表三十三年築長城河上三十四年築

長城及南方越地三十五年為直道通九原通甘泉

又度河據陽山北假中頭曼

不勝秦北徙諸侯畔秦匈奴得寬復稍度河南與中國

界於故塞漢揚雄上書曰以秦始皇之彊蒙恬之威帶

甲四十餘萬然不敢窺西河迺築長城以界之單于曰

孝宣元帝為作約束自長城以南天子有之長城以北

單于有之有犯塞輒以狀聞 史蒙恬傳將三十萬衆

北逐戎狄收河南築長城因地形制險塞 賈誼過秦

論曰北築長城而守藩籬卻匈奴七百餘里胡人不敢

南下而牧馬 主父偃曰卻地千里以河為境 王恢

曰蒙恬為秦侵胡辟數千里以河為境累石為城植榆

為塞匈奴不敢飲馬於河置婁巽然後敢牧馬 晁錯

書秦北攻胡貉築塞河上南攻揚粵置戍卒馬 唐劉

昺以為趙簡子起長城備胡 詳見
議邊 括地志秦長城首

起岷州西十二里延袤萬餘里東大遼水 通典魏刀

雍上表曰周命南仲城彼朔方趙靈秦始長城是築漢之孝武又踵其事

漢長安城 斗城 十二門 九市

漢高祖二年十一月漢王定三秦還歸都櫟陽蕭何侍太子治櫟陽為約束立宗廟社稷宮室縣邑五年二月甲午即位汜水之陽帝乃西都洛陽夏五月兵皆罷歸家戍卒婁敬見說上曰周之先積德十餘世成王即位周公營成周都雒以為此天下中諸侯四方納貢職道

里鈞矣有德則易以興無德則易以亡陛下取天下與
周易而都雒陽不便夫秦地被山帶河四塞以為固卒
然有警百萬之衆可具膏腴之地此謂天府陛下入關
而都之搯天下之亢而拊其背也不如入關據秦之固
或曰雒陽東有成皋西有殽黽背河鄉洛其固亦足恃
上以問張良良因勸上曰雒陽中小不過數百里四面
受敵非用武之國夫關中左殽函右隴蜀沃野千里南
有巴蜀之饒北有胡苑之利阻三面而固守以一面東

制諸侯諸侯安定河渭漕輓天下西給京師諸侯有變

順流而下足以委輸所謂金城千里天府之國婁敬說

是也上即日車駕西都關中

漢紀云長安關中記秦西以隴關為限東以函谷

為界二關之中謂之關中地方千里西京賦左據函谷二股之阻右界褒斜隴首之險西京賦左有散函重

險桃林之塞右有隴坻之隘隔關華茂

拜婁敬為奉春君後九月治長樂

宮六年十二月田肯賀上曰甚善陛下得韓信又治秦

中秦形勝之國也帶河阻山縣隔千里持戟百萬秦得

百二馬地勢便利其以下兵於諸侯譬猶居高屋之上

建瓴水也夫齊東有琅邪即墨之饒南有泰山之固西有濁河之限北有勃海之利地方二千里持戟百萬懸隔千里之外齊得十二焉此東西秦也非親子弟莫可

使王齊者上還至雒陽三月歸櫟陽七年二月自櫟陽

徙都長安

武帝時淮南王安獻長安都國頌

惠紀元年春正月城長

安

師古曰長安本秦鄉名高祖作都

三年春發長安六百里內男女十

四萬六千人城長安三十日罷

鄭氏曰城一面故速罷

六月發諸

侯王列侯徒隸二萬人城長安五年春正月復發長安

六百里內男女十四萬五千人城長安三十日罷九月

長安城成賜民爵一級

呂氏曰此三調發而城始成所以休民力

六年夏

六月起長安西市

史年表立太倉西市

地理志京兆縣十二長

安高帝五年置惠帝元年初城六年成 史記惠三年

方築長安城四年就半五年六年城就

已上月日不同合依惠紀

功臣表陽城延為少府作長樂未央宮築長安城先就

封梧侯 史大事記高帝六年更命咸陽曰長安

索隱曰盧

縮以封長安侯蓋列有此號

立大市七年自櫟陽徙長安孝惠元年

欽定四庫全書

卷一百七十三

十五

始作長安城西北方

前紀言五年九月城成地理志言元年初城六年成史記以為三年

方築四年就半五年六年城就索隱按宮闕疏四年築東面五年築北面

三年初作長安城

五年成六年立太倉西市

三輔黃圖長安故城漢之

舊都高帝七年方修長安宮城自櫟陽徙居此城本秦

離宮也初置長安城本狹小至惠帝更築之

皇覽曰秦有小城惠

帝始大之高三丈五尺上濶九尺下濶一丈五尺雉高三板

周迴六十五里城南為南斗形北為北斗形

周地圖記同三輔

舊事城形象北斗

至今人呼漢舊京為斗城漢舊儀曰城中經

緯各長三十二里十八步

志注云十五里

地九百七十三頃八

街九陌三宮九府三廟十二門九市十六橋

閭里一百六十

三輔決錄長安城面三門四面十二門皆通達九達以

相經緯衢路平正可並列車軌十二三途洞關隱以金

推周以林木左右出入為往來之徑行者升降有上下

之別 西都賦建金城之萬雉呀周池而成淵披三條

之廣路立十二之通門街衢洞達閭閻且十九市開場

漢官闕疏曰長安立九市其六市在道西三市在道東

貨別隧分人不得顧車不

得還紅塵四合烟雲相連西京賦城郭之制則旁通三
門參塗夷庭方軌十二街衢相經 後郡國志長安高

帝所都注漢舊儀曰長安城方六十三里經緯各長十

五里

一云十六里

十二城門中屬長安令三秦記曰鑿龍首

山為城

城門校尉

見門類

光武修東都城門

見大駕宮

元和志長安故城在長安縣西北十三里

一本云城在唐大興宮西

北十三里

寰宇記長安在渭水南隔渭水北對秦咸陽宮

漢於其地置未央宮曰長安城因名縣

漢王二年北徙都揀陽故秦獻

公所居屬馮翊後屬萬年今京兆縣也長安秦咸陽之地長安鄉也言可長安子孫京兆所治縣也

唐

顯慶三年十月十七日游覽古長安城門侍臣本朝
慶歷中御通英閣讀漢書紀問長安城衆莫能知趙師
民陳自古都雍年世舊址所在若畫諸掌帝悅

漢南鄭城

水經注高祖為漢王都南鄭大城周四十二里城內有
小城南憑北結環雉金墉皆漢所修築晉咸康中梁州
刺史司馬勲斷小城東面三分之一以為梁州

漢廣武城

高紀四年十月漢王引兵渡河復取成臯軍廣武注孟
康曰於滎陽築兩城而相對名為廣武城在敖倉西三
室山上 後志河南滎陽有鴻溝水有廣武城注西征
記曰有三室山或曰三室山上有二城東廣武西廣武
相去二百餘步 水經注廣武城在三室山上漢所城
也 括地志廣武城在滎陽縣西二十里 通典河南
府汜水縣有廣武城

漢縣邑城

高紀六年十月令天下縣邑城注師古曰縣與邑皆令築城 前傳淮南王曰守下雉之城注江夏縣名 後志南陽章陵故舂陵世祖更名注古今注曰建武十八年使中郎將耿遵築城

漢廣陵城

後志廣陵注吳王濞所都城周十四里半 魏志黃初六年親征幸廣陵故城 史年表楚懷王十年城廣陵

通典吳孫亮建興三年衛尉馮朝城廣陵 通鑑

晉太和四年十二月大司馬溫發徐兗州民築廣陵城徙鎮之

元魏孝文欲築城置戍於淮南以撫新附之民高閭以爲昔世祖南臨瓜步諸郡盡降而盱眙小城攻之不克壽陽盱眙淮陰淮南之本原也三鎮不克其一而留守孤城其不能自全明矣昔彭城之役既克大鎮城戍已定而思叛者猶踰數萬角城叢爾處在淮北去淮陽十

八里五固之後攻圍歷時卒不能克 梁帝敕至安陸
增築城二丈餘更開大塹起高樓

漢城朔方 繕秦故塞 高闕塞 符離塞

榆谿舊塞 雞鹿塞

武紀元朔二年甲寅春正月匈奴入上谷漁陽遣將軍衛

青季息出雲中至高闕師古曰高闕山名曰塞名在朔方北西至符離塞名

收河南地置朔方五原郡夏募民徙朔方十萬口三年
秋罷西南夷城朔方城五年春大將軍青將六將軍兵

出朔方高闕 衛青傳元朔二年青至隴西捕首虜數

十走白羊樓煩王遂取河南地為朔方郡

師古曰當北地郡之北黃

河之南封青為長平侯使青校尉平陵侯蘇建築朔方城

上曰匈奴逆天理造謀藉兵故遣將以征厥罪詩不云

乎薄伐玁狁至于太原出車彭彭城彼朔方

詩出車箋王使南仲

為將率往築城于朔方為軍壘以禦北狄之難今車騎將軍青渡西河至高闕

獲首三千三百級車輜甚衆已封為列侯遂西定河南

地紫榆谿舊塞絕梓領梁北河討蒲泥

王破符離執訊

獲醜全甲兵而還其益封三千八百戶

注如淳曰榆谿舊塞名也師古

曰上郡之北有諸次山諸次水出馬東經榆林塞為榆漢言軍尋此塞而行符離塞名也 史記云按榆谷舊

河塞正義經榆林縣東四十里

地理志朔方郡縣十三封沃墜

並元狩二

年朔方城臨戎

元朔五年朔方城

食貨志衛青歲以數萬騎出擊匈奴

遂取河南地築朔方云云興十餘萬人築衛朔方注師古

曰築城又守衛之 主父偃傳偃言朔方地肥饒外阻

河蒙恬城以逐匈奴內省轉輸戍漕廣中國滅胡之本

也上覽其說遂置朔方公孫弘諫以罷弊中國奉無用之

地上使朱買臣等難弘發十策弘不得一謝曰願罷西
南夷蒼海專事朔方上許之 婁敬傳敬往匈奴結和
親因言匈奴河南白羊樓煩王去長安近七百里輕騎
一日一夕可至願徙豪傑名家實關中十餘萬口 韓
安國傳王恢曰蒙恬侵胡辟數千里以河為竟累石為
城植榆為塞 伍被傳廣長榆開朔方匈奴折翅傷翼
失援不振注師古曰長榆在朔方 匈奴傳諸侯畔秦
匈奴復聚哨渡河南冒頓南井樓煩白羊河南王復收

蒙恬所奪地與漢關故河南塞至朝那膚施遂侵燕代
元朔元年漢使將軍衛青將三萬騎出鴈門李息出代
郡擊胡得首虜數千其明年衛青復出雲中以西至隴
西擊胡之樓煩白羊王於河南得首虜數千羊百餘萬
於是漢遂取河南地築朔方復繕故秦時蒙恬所為塞
因河而為固漢亦棄上谷之斗辟縣造陽地以予胡是
歲元朔二年也其明年右賢王侵擾朔方明年春漢遣
衛青將六將軍十餘萬人出朔方高闕明年春再出定

襄明年秋昆邪王降隴西北地河西益少胡寇云驃騎封狼居胥山是後匈奴遠遁而幕南無王庭漢度河自

朔方以西至今居往往通渠置田官吏卒五六萬人

元鼎

六年天子巡邊親至朔方勒兵十八萬騎以見武節

紀元

封元

年冬十月登單于臺至朔方臨北河

匈奴數使奇兵侵犯漢邊漢迺拜郭

昌為拔胡將軍及浞野侯屯朔方以備東胡

元封四年

甘露

三年遣長樂衛尉董忠將騎發邊郡士馬送單于出朔

方鷄鹿塞

注師古曰在朔方窳渾縣西北地理志窳渾有道西北出鷄鹿塞燕然銘陵高闕下

鶴鹿 後紀永元六年六月車騎將軍竇憲出鵝
鹿塞度遼將軍鄧鴻出柵陽塞注柵陽縣屬九原 贊曰

孝武雖開河南之野建朔方之郡亦棄造陽之北九百
餘里 後南匈奴傳元初五年春逢侯詣朔方塞降

高紀二年十一月繕治河上塞

六月興關中卒乘邊塞
晁錯傳秦北攻胡蔡

河上
塞

漢塞外受降城

武紀太初元年夏六月遣因杆將軍公孫敖築塞外受

降城

因杆匈奴地名

匈奴傳是歲漢遣貳師將軍西伐大宛

而令因扞將軍築受降城其冬匈奴大雨雪畜多饑寒
死時烏維單于死子詹師廬立年少好殺伐國中不安
左大都尉欲殺單于使人告漢曰欲殺單于降漢漢即
舉兵迎我我乃發漢聞此言乃築受降城猶以為遠其
明年春漢遣浞野侯趙破奴將二萬騎出朔方北二千
餘里期至浚稽山在武威北而還浞野侯既至左大都尉欲
發而覺單于誅之浞野侯未至受降城四百里匈奴圍
之軍遂沒于匈奴昭帝始元間匈奴遣九千騎屯受降

城以備漢宣帝甘露三年呼韓邪單于入朝願留居光祿塞下有急保漢受降城 李陵傳天漢二年詔陵至東浚稽山南龍勒水上觀虜即亡所見從浞野侯故道抵受降城休士注受降城本公孫敖所築 唐溫彥博曰漢武帝置降匈奴城於五原塞下全其部落得為扞蔽又不離其本俗因而撫之一則實空虛之地二則亦無猜忌

漢五原塞外列城

五原塞

光祿城塞

石

門障 居延城 繕治障塞

武紀元封元年冬十月帝歷五原出長城登單于臺太
初三年夏四月遣光祿勳徐自為築五原塞外列城西

北至盧胸

名山

游擊將軍韓說將兵屯之彊弩都尉路博

德築居延秋匈奴入定襄雲中行壞光祿諸亭障注晉
灼曰地理志從五原稠陽縣北石門障即得所築城師
古曰漢制每塞要處別築為城置人鎮守謂之候城此
即障也 匈奴傳兒單于立三歲而死子少匈奴乃立

其季父烏維單于弟右賢王句黎湖為單于

句音鈎是歲

太初三年也句黎湖單于立漢使光祿徐自為出五原

塞數百里遠者千里築城障列亭至盧胸

山名

而使遊擊

將軍韓說長平侯衛伉屯其旁使強弩都尉路博德築

居延澤上

韓說傳太初中屯五原外列城通典注榆林縣西有漢五原城

征和三年

漢軍乘勝追北至范夫人城

應劭曰本漢將所築

昭帝時匈奴入

五原攻塞外亭障時漢邊郡侯望精明宣帝甘露二年

呼韓邪款五原塞

史記正義五原塞即五原郡榆林塞也在勝州榆林縣四十里

晉太康

地志自北地郡北行九百里得五原塞

三年正月入朝二月遣歸單于自

請願留居光祿塞下

紀云居幕南保光祿城注孟康曰光祿徐自為所築

孝宣孝

元約東自長城以南天子有之長城以北單于有之有

犯塞輒以狀聞降者不得受

地理志五原郡

秦九原郡元朔

二年更名桐陽縣北出石門鄯得光祿城又西北得支就城

又西北得頭曼城又西北得虜河城又西得宿虜城張

掖郡居延縣澤在東北古文以為流沙

師古曰闕駟云武帝使伏波將

軍路博德築遮虜障於居延城李陵傳天漢二年詔陵以九月發出遮虜障陵將步兵五千出居延北千餘

里通典肅州酒泉漢福祿縣地古長城漢遮虜障也

武威郡都尉治熊水障北

部都尉治休屠城 馬成傳建武十四年屯常山中山

以備北邊又代驃騎大將軍杜茂繕治障塞自西河至

渭橋河上至安邑太原至井陘中山至鄴皆築保壁起

烽燧十里一候 西羌傳建初二年臨洮索西迷吾等

降馬防乃築索西城

注故城在今洮州

徙隴西南部都尉戍之

悉復諸亭候元和三年迷吾退居河北歸義城 南匈奴

奴傳建武二十四年春款五原塞願永為蕃蔽扞禦北

虜永平八年置度遼營屯五原曼栢章和二年單于上
言將餘兵萬人屯五原朔方塞以為拒守 建武築北
邊亭候保壁 耿夔出居延塞圍北單于 太初三年

漢朔築三城光祿居延令居

光祿塞太初三年築其秋
入冠輒遂壞棄為其要害

故也 元鼎六年數
萬人度河築令居

漢候城 邊城

武紀太初三年秋光祿諸亭障注師古曰漢制每塞要
處別築為城置人鎮守謂之候城此即障也 董仲舒

曰使邊城守境之民父兄緩帶稚子咽哺 孝宣時邊
城晏閉牛馬布野

漢遼東城

烏壘城

玉門亭障

見西域都

護

昭紀元鳳六年正月募郡國徒築遼東元菟城

黃龍城
元菟城

五行志元鳳五年四月燭星見奎婁間占曰有土功

邊城和六年正月築城

漢延壽城 昆侖塞

地理志河南郡緱氏有延壽城仙人祠遼西郡令支有

孤竹城

應劭曰故伯夷國

後西域傳延光二年敦煌太守張

璜陳三策今以酒泉屬國吏士二千餘人集昆侖塞注
前書敦煌郡廣至縣有昆侖障宜禾都尉居也

漢北邊塞 外城

匈奴傳地節二年虛閭權渠單于立是時匈奴不能為
邊寇於是漢罷外城以休百姓

師古曰外城塞外諸城也

單于聞之

喜召貴人謀欲與漢和親元帝竟寧元年單于復入朝

帝以後宮良家子王嬙字昭君賜單于單于驩喜上書
願保塞上谷以西至敦煌傳之無窮請罷諸備邊吏卒
以休天子人民天子下有司議郎中侯應習邊事以為
不可許上問狀應曰臣聞北邊塞至遼東外有陰山東
西千餘里草木茂盛多禽獸本冒頓依阻其中治作弓
矢來出為寇是其苑囿也至孝武世出師征伐斥奪此
地攘之於幕北建塞徼起亭隧築外城設屯戍以守之
然後邊境得用少安幕北地平少草木多大沙匈奴來

寇少所蔽隱從塞以南徑深山谷往來差難邊長老言
匈奴失陰山之後過之未嘗不哭也前已罷外城省亭
隧今裁足以候望通燹火而已起塞以來百有餘年非
皆以土垣也或因山巖石木柴僵落豁谷水門稍稍平
之卒徒築治功費久遠不可勝計臣恐議者不深慮其
終始十年之外障塞破壞亭隧滅絕當更發屯繕治累
世之功不可卒復對奏有詔勿議罷邊塞事 趙充國
傳竊見北邊自敦煌至遼東萬一千五百餘里乘塞列

隧有吏卒數千人虜數大衆攻之而不能害 韓安

國傳單于穿塞將十萬騎入武州塞注師古曰在

鴈門 汲黯傳匈奴攻當路塞絕和親 西南夷傳漢

興關蜀故徼注西南之徼猶北方塞 後西羌傳武帝

渡河湟築令居塞 注今居縣屬金城郡 章帝章和元年羌入金城

塞 後西域傳延光二年張璠上書今以酒泉屬國吏

士二千餘人集昆侖塞 前志宜禾都尉治昆侖障 南匈奴傳永建

元年先是朔方以西障塞多不修復單于上言求復障

塞從之

漢雒陽城

見門類 藝文類聚李尤京師城銘曰天險匪登地險

丘陵帝王設險乾坤足承 貨殖傳雒陽街居在齊秦

楚趙之中 元和志故洛陽城在縣東二千里按華延

雋洛陽記云洛陽城東西七里南北九里洛陽城內宮

殿臺觀府藏寺舍凡有一萬一千二百十九間 顏師

古曰魚豢云漢火忌水故洛去水而加佳魏於行次為

土土水之牡也故變雒為洛如魚氏說則光武以後改
為雒字

漢伊吾盧城 屬國城

明紀永平十六年二月竇固破呼衍王於天山留兵屯
伊吾盧城注本匈奴中地名破呼衍取其地置宜禾都
尉屯田今伊州納職縣伊吾故城是也 安紀永初四
年正月度遼將軍梁慄遼東太守耿夔破南單于于屬
國故城 馬援傳建武十一年夏拜隴西太守時朝

臣以金城破羌之西

破羌縣名屬金城故城在今鄯州湟水縣西

塗遠

多寇議欲棄之援言破羌以西城多堅牢不可棄詔
武威守梁統悉還金城客民歸者三千餘口使
各反舊邑援奏為置長吏繕城郭起塢堠開導水
田勸以耕牧十九年平嶠南援所過輒為郡縣
治城穿渠 光武紀建武十五年二月徙鴈門代
上谷民於常山居庸關二十六年南單于遣子入
侍於是雲中五原朔方北地定襄鴈門上谷代八郡

民歸本土遣謁者分將弛刑徒補理城郭趙憲傳建
武二十七年拜太尉南單于稱臣令憲典邊事憲上復
緣邊諸郡幽并二州由是定注建武六年徙雲中五原
民于常山居庸關二十六年復令還虞詡傳為武都

太守占相地勢築營壘百八十所鮮卑傳元初二年

秋遼東鮮卑圍無慮縣州郡合兵固保清野鮮卑無所

得

清野謂收斂積聚不令寇得之

熹平六年秋蔡邕議曰天設山河秦

築長城漢起塞垣所以別內外異殊俗也守邊之衛李

牧善其畧保塞之論嚴尤申其要

漢典農城 章陵城

水經河水又逕典農城東注世謂之胡城又北逕上河
城東世謂之漢城薛瓚曰上河在酉河富平縣即此也
馮參為上河典農都尉所治也河水又北逕典農城東
注俗名之為呂城皆參所屯以事農 郡國志南陽郡
章陵故舂陵世祖更名注古今注曰建武十八年使中
郎將耿遵築城

漢河南城

書名誥太保乃以庶殷攻位于洛汭注以衆殷之民治
都邑之位於洛水北今河南城也疏漢地理志河南郡
治在洛陽縣河南城別為河南縣治都邑之位於洛北
今於漢河南城是也

漢襄平城

諸葛亮城

牧師城

唐志賈耽考方域道里之數一曰營州入安東道經汝
羅守捉渡遼水至安東都護府五百里府故漢襄平城

也六曰安南通天竺道自羊苴咩城西至永昌故郡三百里又西渡怒江至諸葛亮城二百里 後漢南匈奴傳永元六年南單于及中郎將杜崇屯牧師城 通典河南府澠池有古東西俱利二城即秦昭王與趙惠文王會處蓋云秦趙俱利也

蜀漢漢樂城

蜀志建興四年春都護李嚴自永安還住江州築大城今已郡七年冬築漢樂二城 揚雄作成都城四堞故城是銘

魏三城 新城

魏志明帝青龍二年五月孫權居巢湖口向合肥新城
六月滿寵欲拔新城帝不聽曰先帝東置合肥南守襄
陽西固祁山賊來輒破三城之下者地有所必爭也縱
權攻新城必不能拔勅諸將堅守七月壬寅帝東征

吳志黃龍二年正月魏作合肥新城注晉紀曰魏文帝
在廣陵吳人大駭乃臨江為疑城自石頭至于江乘

通典明帝時滿寵上表合肥縣西北三十里立城名新

城

魏陳倉城

元和郡縣志陳倉上下二城相連上城秦文公築下城
魏太和築中將軍郝昭築城訖諸葛亮來攻雲梯衝車
晝夜攻拒二十餘日亮無利引去

城在鳳翔寶雞
縣本秦陳倉

魏石鼈城

通典楚州安宜魏鄧艾築石鼈城在縣西八十里以營
田晉穆帝時荀羨云淮陰沃野有開殖之利方舟運漕

無地屯兵乃營立城池有平陽石鼃田稻豐饒

魏鴈門城

牽招傳為鴈門太守通河西鮮卑附頭等十餘萬家繕治陞北故上館城置屯戍以鎮內外

吳濡須塢

吳志建安十六年徙治秣陵明年城石頭改秣陵為建業聞曹公將來侵作濡須塢十八年正月曹公攻濡須相拒餘月乃退

注作油船夜渡洲上以水軍圍取得三千餘人

赤烏四年八月

陸遜城邾 呂蒙傳拒曹公於濡須數進奇計又勸火
水口立塢諸將皆曰上岸擊賊洗足入船何用塢為蒙
曰兵有利鈍戰無百勝如有邂逅敵步騎蹙人不暇及
水其得入船乎遂作之 通典和州歷陽西南百八十
里有濡須水孫權築塢

吳建業城

吳志孫權黃龍元年九月自武昌遷都建業

晉改為建康

左思吳都賦邾郭周匝重城結隅通水道陸衢

孫權城名石頭改秣陵為建業輿地志曰都城二十里
十九步權雖城石頭以鎮江險其都邑則在建業故城
歷代所謂都城者六朝因之諸葛孔明云鍾山龍蟠石
城虎踞則南朝都城襟抱左右槩可見矣晉宋以來面
淮有朱雀航宋文帝作玄武湖蓋傅會龍蟠虎踞而為
此名也曰臺城則宮省所屬也曰東府西州城則諸王
若宰相居之曰倉城則儲蓄所在也以宮室記致之皆
都城之內

然舊城在北
去秦淮五里

元和郡縣志石頭城在昇州

上元縣西四里即楚之金陵城也吳改為石頭城建安
十六年吳大帝修築以置財寶軍器有戍吳都賦云戎
車盈於石城是也晉臺城在縣東北五里咸和六年使
王彤營造七年遷新宮即此城也建康故城在縣南三
里東府城在縣東七里 輿地廣記孫權初鎮丹徒謂
之京城後徙都秣陵改為建業晉元帝復都焉改丹陽
太守為尹 通鑑自晉以來建康宮之外城唯設竹籬
而有六門齊建元二年五月命改立都牆 世說叙錄

丹陽治城去宮三里 王隱晉書江乘南岸有琅琊城
立琅邪內史以治之 廣書韓滉築石頭五城自京口
至土山修塢壁起建業抵京峴樓雉相望

却月城 吳夏口城

水經注沔左有却月城亦曰偃月壘戴監軍築船官浦
東即黃鵠山東北對夏口城魏黃初二年孫權所築依
山傍江開勢明遠憑墉籍阻高觀枕流 吳志黃武二
年正月城江夏山

晉荊州五城

羊祜傳都督荊州吳石城守去襄陽七百餘里祜以詭計令吳罷守祜以孟獻營武牢而鄭人懼晏弱城東陽而萊子服乃進據險要開建五城收膏腴之地石城以西盡為晉有水經注沔水南逕石城西城因山為固晉羊祜鎮荊州立漢諸葛孔明曰荊州北據漢沔利盡南海東連吳會西通巴蜀此用武之國吳赤烏十一年春正月朱然城江

陵

晉臥龍城

水經注晉書涼州城有龍形故名臥龍城南北七里東西三里本匈奴所築也

晉上明城 石城

元和郡縣志江陵府松滋上明故城在縣西一里苻堅南侵桓冲為荊州刺史渡江南上明築城以禦之上明在縣東三十步明猶渠也相承云昔晉末朱齡石開上

明引江水以灌稻田 桓冲傳欲移阻江南上䟽曰自
中興以來荊州所鎮隨宜迴轉臣凡溫經畧中原因江
陵路便即而鎮之今宜全重江南輕戍江北南平孱陵
縣界地名上明在吳時樂鄉城以上四十餘里北枕大
江西接三峽於是移鎮上明使劉波守江陵楊亮守江
夏 蔡謨傳征西將軍庾亮欲移鎮石城謨議曰沔水
之險不及大江自沔已西水急岸高魚貫泝流首尾百
里若賊及我未陣而擊之將如之何亮不果移鎮陳光

請伐胡詔令攻壽陽謨上疏曰今壽陽城小而固自壽陽至琅邪城壁相望其間遠者裁百餘里一城見攻衆城必救謨所統七千餘人所戍東至土山西至江乘鎮守八所城壘凡十一處烽火樓望三十餘處隨宜防備甚有籌畧庾亮傳襄陽北接宛許南阻漢水其險足固其土足食臣宜移鎮襄陽之石城下并遣諸軍羅布江沔謝安傳出鎮廣陵之步兵築壘曰新城

晉石頭城

丹陽記石頭城吳時悉土塢義熙始加埽累石頭因山
以為城因江以為池形險固有奇勢故諸葛亮曰鍾山
龍盤石城虎踞江寧縣北三十里有白馬城吳時為烽
火之所江寧圖曰石頭城吳之金陵城 建康圖元帝
渡江歷六代都之 輿地志金陵有東府城晉安帝時
築其城西本簡文為會稽第其東則丞相會稽王府時
人號為東府西州圖經曰金陵有古冶城本吳鑄冶之
地 吳紀陟曰自西陵以至江都五千七百里疆界雖

遠而險要必爭之地不過數四猶人雖有八尺之軀靡不受患其護風寒亦數處耳

後魏長城 隋長城

通鑑魏高祖太和八年九月中書監高閭上表以為西北之人別有長短所長者野戰所短者攻城若以彼之所短奪其所長則雖衆不能成患雖衆不能深入其人散居野澤隨逐水草戰則與家業並至奔則携蓄牧俱逃不齎資糧而飲食自足是以歷代能為邊患六鎮勢

分倍衆不鬪互相圍逼難以制之請依秦漢故事於六鎮之北築長城擇要害之地往往開門造小城於其側置兵捍守狄既不攻城野掠無獲草盡則走終必懲艾計六鎮東西不過千里一夫一月之功可城三步之地強弱相兼不過用十萬人一月可就雖有暫勞可以永逸凡長城有五利罷遊防之苦一也北部放牧無鈔掠之患二也登城觀敵以逸待勞三也息無時之備四也歲常遊運永得不匱五也帝優詔答之

一本云長安自城西至五原延

表二千餘里
通典云皇
興中刁雍上表帝從之

世宗正始元年九月柔然侵

魏之沃野及懷朔鎮詔車騎大將軍源懷出行北邊指
授規畧隨須徵發皆以便宜從事懷至雲中柔然遁去
懷以為用夏制夷莫如城郭還至恒代案觀諸鎮左右
要害之地可以築城置戍之處欲東西為九城及儲糧
積仗之宜犬牙相救之勢作五十八條表上之曰今定
鼎成周去北遙遠代表諸國頗或外叛仍遭旱飢戎馬
甲兵十分闕八謂宜準舊鎮東西相望令形勢相接築

城置戍分兵要害勸農積粟警急之日隨便翦討彼遊騎之寇終不敢攻城亦不敢越城南出如此北方無憂矣魏主從之東魏孝靜帝武定元年八月丞相歡築長城於肆州北山西自馬陵戍東至土陞四十日罷齊顯祖自西河總秦戍築長城東至於海前後所築東西凡三千餘里率十里一戍隋文帝開皇元年召沂州刺史常冲為兼散騎常侍時發稽胡築長城汾州胡千餘人在路亡叛帝召冲問計對曰夷狄之性易為反覆皆由

牧宰不稱之所致臣請以理綏靖可不勞兵而定冲綏
懷叛者月餘皆至并起長城之役 隋文帝紀開皇元

年四月發稽胡修築長城二旬而罷六年二月丁亥發

丁男十五萬修築長城二旬而罷

五年使司農少卿崔仲方發丁三萬於朔

方靈武築長城東距河西止綏州綿歷六百里以遏胡寇六年二月復令仲方發丁十五萬於朔方以東緣邊

險阻築

數十城七年二月發丁十萬修築長城二旬而罷十九

年十月甲午以突厥利可汗為啟人可汗築大利城處

其部落

後周玉壁城

輿地廣記絳州稷山縣後周置勳州有玉壁城後周王
思政所築為重鎮齊神武再攻圍不克韋孝寬代思政
鎮玉壁高歡攻之智力皆困

隋大興城 新都

文帝紀開皇二年六月丙申詔左僕射高頴等創造新
都於龍首山 以宇文愷有巧思
領營新都副監 十二月丙子名新都曰

大興城 高祖龍潛
封號大興 三年三月丙辰入新都四年四月丁

未晏突厥高麗吐谷渾使者於大興殿

三年改萬年縣
曰大興 京北

統縣二
十二


十八年十一月詔自京師至仁壽宮置行宮十

有二所煬帝紀大業九年三月丁丑發丁男十萬城
大興 西京記大興城南直子午谷漢都城在長安鄉
鄉在渭水南杜縣地隋唐都城在龍首原蓋漢城東南
十三里也

隋雍州城

地理志開皇三年置雍州城東西十八里一百十五步

南北十五里一百七十五步東面通化春明延興三門
南面啟夏明德安化三門西面延平金光開遠三門北
面光化一門里一百六市二



玉海卷一百七十三